



牛起颯

真久真久毋識擱脛人牽牛，今年過年時嘎脛著一個作穡人牽牛在駛田。得俚想著細漢時務牽牛个經驗。像俚這款年歲，牽過牛个人無多。毋過屋下底成過係大火灶，人真多，細子嘛真多。大人無閒田底个事，細子嘛愛鬥相共做事。毋係渡阿弟無即阿妹，嘛不時愛去割遐割毋會用盡个田塍草。逐日打早愛起來掃頭前坪，兼掃後背坪个鵝屎、雞屎。歇暍日猶愛清豬欄。尤其係逐日烏昏个時即愛牽牛去路食草，頭路真多無一時間。

記得第一遍牽牛个時，阿依吩咐俚人三兄弟牽一隻恁大隻个牛去食草。雖然成過識脛阿公和阿怙牽過牛，毋過自家牽牛係頭一回，心肝底會驚、會擘心、會掣。所以三個細子即真擘心又大膽个拗牛索啟開，牽牛去食草。行到大路，牛著面行，著面俯頭食草。起頭下，猶真順利。俚人嘛真歡喜，三兄弟即著面牽牛著面賞，脛牛个廬身面上有真多牛蜂在食佢个血，俚人即去拗一支觀音竹梘替佢攔烏蠅和牛蜂。

無定著係俚對這隻牛淡薄驚驚，討替佢攔牛蜂時，像討像毋敢。這隻牛脛俚細子好欺負，嘎起颯起來，對路一直走去。這時務个係實在驚死了，跔在牛个後背一直捎，著面喊兩個阿弟走轉屋下討救兵。俚捎討毋會過氣，這隻牛脛俚捎佢毋會著，即歇暍落來，著面行著面食佢个草。等俚捎討到位，即又擱起颯，俚心肝即足急，真驚牛走無去，這下俚即會壞囉。

捎擱捎，幾下回攏討得俚捎著，毋過這隻牛等俚捎俛，即擱走。一半下，牛硬討走無脛去，害俚心肝擘心到硬討死。即按走走歇歇，落尾俚即款款行俛，躡手躡腳，好定泥對牛索撿起來，牽這隻牛返轉頭，這時務屋下个大人嘛騎鐵馬攔來，大家正安心做埤拗牛牽轉去。

作者：李秉璋

☆詞彙學習☆

【駛田】su^ˊ teen^ˋ：耕田、犁田。

【大火灶】tai foo^ˊ zoo^ˊ：大家庭，家庭成員眾多。

【頭前坪】teu^ˋ cien^ˋ piang^ˋ：屋前的庭院。

【豬欄】zhi^ˋ teeu^ˋ：豬舍。

【會掣】bbue cheed^ˊ：因害怕、擔心，身體不由自主的顫抖。

【啟開】teu^ˊ koi^ˋ：解開

【牛蜂】ngiu^ˋ pung^ˋ：牛虻，好吸動物的血。大小如綠頭蒼蠅，連牛馬等厚皮動物也深受其害。

【觀音竹】guan^ˋ rhim^ˋ zhu^ˊ：竹子的一種，高約1~3公尺，直徑約1~4公分，節間距約15~30公分。以前農家常種於屋子周圍或田邊，當作防風林、綠籬使用。更可用來當做種四季豆、胡瓜等之豆籬，或是當柴火燒。小孩子常拿它來做玩具空氣槍，用途甚廣。

【攔】lan^ˋ：趕，此處指趕走蒼蠅、牛虻。

【捎】sau^ˋ：追，此處指追著奔跑的牛隻。

【會壞】bbue fai：糟糕。

【款款行俛】kuan^ˊ kuan^ˊ hang^ˋ bba^ˊ：慢慢的靠近。

【好定泥】hoo^ˊ ten ni^ˋ：忽然。